

# „Wäntele“ Info !



## Ussgoob 2 / 2011

Basel, aafangs Juli 2011

## ***Uss em Zumpftroot***

Adie zämme

s goot Dätsch uff Dätsch! Dr Zumpftroot isch mit Sitzige, Delifoons und Emails schwär am organisiere vo den Engagements, wo mr fir daas Joor bikoo hänn.

S isch e haiden Arbet aaber mr mache s gärn! D Hauptsach isch, ass mr Alli dr Blausch draa hänn und no lang iiber s Joor 2011 schwätze dien!

### **Ebbis Wichtigs zem Vooruss:**

Wenn mr mit em Bus verraise, dien mr wäge dr groosse Baustell uff em Mässeplatz nimme bim Hotel Ramada yy- und ussstyyge! D Busgsellschafte sinn froo, wenn si nit mien deerte duure. Doorum isch bis uff Wyteres d Abfaart und d Aakumpft an dr Meret Oppenheimer Strooss (Busparkplatz) bim Baanhoof SBB!

## ***Aktuell***

### **Basel Tattoo Parade 2011 vom 23. Juli 2011**

S hänn sich bis hitte 49 Wäntele aagmäldet!

Mr hänn jetze s Detailprogramm bikoo und daas gseet esoo uss:

Dr Start vo dr Parade isch in dr Bäumligass / Freie Strooss. D Basler Källerwäntele Zumpft isch s Nummere 7 (Byylaag) diräggd voor dr „Band of HM Grenadier Guards“! D Abmarschzyt wird vom Veraastalter mit 14.03 h aagää!!!??

D Route goot vo dr Bäumligass / Freie Strooss / Märtpplatz / Yysegass / Mittleri Brugg / Gryffegass / Claraplatz / Clarastrooss / Hammerstrooss / Claramatte / VIP Zone (wäär immer au derte hoggt!! Ebbe dr Morin???) / Rappoltshoof / Tattoo Street in d Tattoo Arena yyne!

D Marschstreggi isch 1,9 km lang (ebben esoo wie an dr OLMA) und d Marschduur wird mit 40 Minute aagää (au esoo ebbe wie an dr OLMA).

### **D Wäntele hänn folgendes Programm:**

Dräffpfunggt:	Bistro Kunstmuseum, St. Alban Graabe 16, Basel
<b>Zyt:</b>	<b>12.00 h zem Umdrungg (d Konsumation zaalt ejeede sälber)</b>
Basel Tattoo Parade:	no Programm vom Veraastalter
Noo dr Aakumpft in dr Arena:	zer aigene Verfielig! Me drifft ab und zue e „Wäntele“ in dr Tattoo Street ooder sunscht naime inere Baiz!

Dr Zumpftroot wintscht fir däa erscht Aaloss vyyl Vergniege!

## **Bergheim Fête du Gewurztraminer vom 31. Juli 2011**

Fir Bergheim hänn sich 27 Wäntele aagmaldet!

S Brogramm gseet **vrbindlig** wie folgt uss:

Dräffphunggt:	Meret Oppenheimer Strooss (Busparkplatz)
<b>Zyt:</b>	<b>viertel voor niini de moorge (08.45 h)</b>
<b>Abfaart:</b>	<b><u>phinggtlig</u> am niini de moorge (09.00 h) mit em Stiefvater</b>
Aakumpft in Bergheim:	ebben am zääni de moorge (10.00 h)
Brogramm:	noo Aasaag
Ruggfaart:	ebben am siibeni z Oobe (19.00 h)
Aakumpft in Basel:	ebben am achi z Oobe (20.00 h)

## **Daag vo de Stadtdoor am 20. Augschte 2011**

Doo hänn sich 29 Wäntele aagmaldet.

Dr Dambuurmaioor isch zämme mit em Club zer alte Klappe am organisiere. S Brogramm gseet ebbe glyych uss wie s letschte Joor, mr versuechen aaber, ass mr daas Joor bim St. Alban Door ablaufe derfe. Waas jetzen no fäält isch d Drummel- und Umzugsbewilligung, aaber do maint dr Dambuurmaioor, ass daas kai Brobleem sott syy – aaber me waiss jo nie bi dr Basler Schuggerei!!

Mit de Verantwortligge vom St. Alban Door isch gschwätzt worden und die dien sich fraie, wenn d Källerwäntele bi iine ablaufe! Fir en erschten Umdrungg mit Wysswyy, Bier und Bleeterliwasser isch gsoort!

Dr Dräffphunggt wird sicher wiider am halber zääni de moorge (09.30 h) sii und abmarschiere dien mr drnoo am zääni de moorge Richtig Minschterblatz. Deerte isch e Pause wo mr d Manne vom Club zer alte Klappe dräffen und e glainen Umdrungg uff dr Pfalz zuen is nämme. Am elfi wurde mr drnoo mit e baar Klappebrieder via Minschterbärg / Freie Strooss / Märtblatz / Mittleri Brugg ins Glaibasel marschiere, ass mr drnoo geege die zwelfi z Midaag im Pulverdurm sinn, wo mr wie gwoont vom kulinarische Aagebott vom CzaK gnesse kenne.

Am Noomidaag zien mr drnoo duur s Glaibasel und kemme ebbe geege die vieri z Midaag wiider zrugg ins Waisehuus zem Pulverdurm, wo däa Daag vo de Basler Stadtdoor 2011 z Änd goo wird.

S genaue Brogramm, no dämm mr alli Bewilligunge in de Händ hänn, wird no friezytig per Mail an alli Dailnäamer verschiggt!

## **Ribeauvillé am 4. Sebdamber 2011**

Doo hänn sich 41 Wäntele aagmaldet.

E glaini Delegation vom Zumpftroot goot no uff Ribeauvillé alles go organisiere + go reserviere.

Wie s letschte Joor gseets Brogramm **vrbindlig** wie folgt uss:

Dräffphunggt:	Meret Oppenheimer Strooss, Busparkplatz
<b>Zyt:</b>	<b>viertel voor niini de moorge (08.45 h)</b>
<b>Abfaart:</b>	<b><u>phinggtlig</u> am niini de moorge (09.00 h) mit em Stiefvater</b>
Aakumpft in Ribeauville:	esoo geege zääni de moorge (10.00 h)

Dr erscht Umdrungg:                   noo Aasaag im Bus  
Umzug:                                   no Brogramm vom Veraastalter  
Ruggfaart:                           am siibeni z Oobe (19.00 h)  
Aakumpft in Basel:                   ebben am achti z Oobe (20.00 h)

## ***Ussicht***

### **Minche 17. und 18. Sebdämber 2011**

Fir dää <Event>, wo sich 40 Wäntele aagmäldet hänn, sinn mr am organisiere. Die genaue Details bikemmen alli aagmäldete Dailnäamer am

- **Mittwuche 14. Sebdämber 2011 / 19.00 h**

Die Orientierig isch fir alli „Minche“ Dailnäamer **obligatorisch!** Mr dien nimme wyter informiere! Wo die Orientierig stattfinde duet, wird no rächtzytig per Mail vrschiggt!

### **Döttingen Winzerfescht am 2. Oggdoober 2011**

Fir dää Aaloss hänn sich 30 Wäntele aagmäldet.

Details sinn noonig bikannt, wärden mit dr nöäggschte „[Wäntele](#)“ [Info!](#) bikannt gää!

### **Meran / IT, 125 Joor Druubefescht am 15. / 16. Oggdoober 2011**

Bis jetze hänn sich 30 Wäntele aagmäldet.

D Eggdaate hänn mr zämme. Die gseen ebben esoo uss:

Koschtephunggt:                   zwische 130 und 170 Frangge pro Persoon  
  doo isch d Busfaart und s libernachte drbyy  
  
Abfaart am Samschtig:           ebben esoo am achti de moorge (08.00 h)  
  
Ruggfaart am Sunntig:           ebben esoo am fimpfi z Oobe (17.00 h)  
  
Aakumpft in Basel:               ebben esoo um d Gaischterstund umme (24.00 h)

Au doo gits mit dr näggschte „[Wäntele](#)“ [Info!](#) mee Details!

Soo, daas wäärs mit dr zwaiten Ussgoob vo dr „[Wäntele](#)“ [Info!](#)

In dr 3. Ussgoob wänn mr drnoo versueche, ass mr e Gaschtbyydraag vomene Wäntele Mitgליid kenne bringe. Wäär ebbis iiber en Aaloss wott schrybe soll sich aifach bim Statthalter + Dambuurmaioor ([stohler@slcgmbh.ch](mailto:stohler@slcgmbh.ch)) mälde.

S wurd is fraie und saage jetze schon danggscheen vyylmool!

Adie zämme, händs Guet und bis zem näggschte Mool.  
**dr Zumpftroot vo dr Basler Källerwäntele Zumpft**